

## Հ Ա Շ Վ Ե Տ Վ ՈՒ Թ Յ ՈՒ Ն

### 2024թ. հոկտեմբերի 11-ից 14-ը Ֆրանսիայի Հանրապետություն կատարած գործուղման արդյունքների մասին

#### 1. Անունը, ազգանունը՝

Գևորգ Պապոյան

#### 2. Զբաղեցրած պաշտոնը՝

ՀՀ էկոնոմիկայի նախարար

#### 3. Գործուղման վայրը և ժամկետները՝

Ֆրանսիա՝ ք. Դիժոն, 2024թ. հոկտեմբերի 11-ից 14-ը

#### 4. Հրավիրող կողմը՝

Ֆրանսիայի Պարենի և գյուղատնտեսության նախարարություն

#### 5. Գործուղման նպատակը՝

- Մասնակցություն Խաղողի և գինեգործության միջազգային կազմակերպության (OIV) հիմնադրման հարյուրամյակին նվիրված միջոցառմանը,
- Մասնակցություն Խաղողի և գինեգործության միջազգային կազմակերպության նոր գլխամասային գրասենյակի բացման պաշտոնական արարողությանը,
- Մասնակցություն Խաղողի և գինեգործության 45-րդ համաշխարհային համաժողովին:

#### 6. Քննարկված թեմաները՝

Համագործակցության ամրապնդում միջազգային գործընկերների հետ՝  
համաշխարհային գինեգործության կայուն զարգացման ուղղությամբ

## **7. Հանդիպումները, ելույթները, բարձրացված կամ քննարկված հարցերը՝**

Ս.թ. հոկտեմբերի 11-ից 13-ը Ֆրանսիայի Հանրապետության Դիժոն քաղաքում ՀՀ էկոնոմիկայի նախարար Գևորգ Պապոյանը և նախարարի տեղակալ Արման Խոջոյանը մասնակցեցին Խաղողի և գինեգործության միջազգային կազմակերպության (OIV) հիմնադրման հարյուրամյակին նվիրված միջոցառմանը, կազմակերպության նոր գլխամասային գրասենյակի տեղափոխման պաշտոնական արարողությանը, ինչպես նաև Խաղողի և գինեգործության 45-րդ համաշխարհային համաժողովին: Կազմակերպությանն անդամակցում է աշխարհի շուրջ 50 երկիր և հորբլյանական միջոցառմանը մասնակցում էին կազմակերպության անդամ շուրջ 33 երկրների նախարարական պատվիրակություններ: Թե՛ միջոցառման և թե՛ համաժողովի շրջանակներում հայկական պատվիրակությունը տարբեր ձևաչափի հանդիպում-քննարկումներ ունեցավ մասնակից երկրների պատվիրակությունների հետ՝ ուղղված համաշխարհային գինեգործության կայուն զարգացման համատեքստում համագործակցության ամրապնդմանն ու ընդլայնմանը:

Միջոցառման շրջանակում կազմակերպված գյուղատնտեսական նախարարական քննարկմանը ՀՀ էկոնոմիկայի նախարար Գևորգ Պապոյանը հանդես եկավ ելույթով՝ իր խոսքում նշելով Հայաստանի գինեգործության զարգացման միտումների մասին, կարևորեց Խաղողի և գինեգործության միջազգային կազմակերպության (OIV) դերը համաշխարհային գինեգործության և խաղողագործության զարգացման համընդհանուր տեսլականում, ինչպես նաև ընդգծեց միջազգային համագործակցության կարևորությունը անդամ երկրների զարգացման համատեքստում: Պատրաստակամություն հայտնեց 47-րդ համաշխարհային համաժողովը հյուրընկալել Հայաստանում:

Ֆրանսիայի Պարենի և գյուղատնտեսության նորանշանակ նախարար Աննի ժենեվարի հետ քննարկվեցին երկկողմ հարաբերությունների ոլորտային շրջանակները՝ հիմնական շեշտադրումը կենտրոնացնելով հայ-ֆրանսիական տնտեսական համագործակցության 2021-2026թթ. ճանապարհային քարտեզով ամրագրված դրույթների իրականացման և երկուստեք աջակցության ուղղությամբ՝ վերջինիս ամբողջական իրականացման և ընդլայնման նպատակով:

Վրաստանի Շրջակա միջավայրի պահպանության և գյուղատնտեսության նախարար Օթար Շամուգիայի հետ հանդիպման ընթացքում կողմերը անդրադարձան 2024 թվականի հունվարին ստորագրված՝ գյուղատնտեսության ոլորտում համագործակցության հուշագրում ամրագրված դրույթների իրականացմանը: Օթար Շամուգիան հայտնեց, որ իրականացման առավել գործուն քայլեր հնարավոր կլինի ձեռնարկել Վրաստանում նախատեսվող առաջիկա ընտրությունների ավարտից հետո, իսկ մինչ այդ՝ Վրաստանի գինեգործության գործակալությունը պատրաստակամ է հյուրընկալել Հայաստանի խաղողագործության և գինեգործության հիմնադրամի ներկայացուցիչներին և կիսվել խաղողի ռեստորի ստեղծման հաջողված փորձով՝ ընդլայնելով համագործակցությունն այդ ասպարեզում:

ՀՀ էկոնոմիկայի նախարարի գլխավորած պատվիրակությունը երկկողմ հանդիպումներ ունեցավ նաև Մոնտենեգրոյի, Հնդկաստանի, Կիպրոսի, Լյուքսեմբուրգի և Բուլղարիայի նախարարների հետ: Քննարկվեցին գյուղատնտեսության և մասնավորապես գինեգործության զարգացմանն ուղղված երկկողմ հետաքրքրություն ներկայացնող հարցերի լայն շրջանակ:

**8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝**

- Այցի ընթացքում պայմանավորվածություններ են ձեռք բերվել շարունակել քննարկումները տնտեսական համագործակցության ընդլայնմանն ուղղված աշխատանքներ և ծրագրեր իրականացնելու վերաբերյալ:
- Ձեռք է բերվել պայմանավորվածություն, որ Ալբանիայի գյուղատնտեսության նախարար տիկին Անիլա Դենաժին և Մոնտենեգրոյի գյուղատնտեսության նախարար պարոն Վլադիմիր Ժոկովիչին կայցելեն Հայաստան՝ երկկողմ համագործակցության ակտիվացման նպատակով:
- Հայաստանը հայտ կներկայացնի Խաղողի և գինեգործության միջազգային կազմակերպությանը (OIV) առաջիկա 47-րդ համաշխարհային համաժողովը հյուրընկալել Հայաստանում:

**9. Ստորագրությունը, ամսաթիվը՝**



16.10.2024թ.



Հ Ա Շ Վ Ե Տ Վ ՈՒ Թ Յ ՈՒ Ն  
 ԳՈՐԾՈՒՂՄԱՆ ԾԱԽՍԵՐԻ ՎԵՐՋՆԱՀԱՇՎԱՐԿԻ ՄԱՍԻՆ

1. Մարմնի անվանումը՝ ՀՀ Էկոնոմիկայի նախարարություն
2. Գործուղման մասին իրավական ակտի համարը՝ ՀՀ վարչապետի N 903-Ա որոշում առ 07.10.2024թ.
3. Անունը, ազգանունը, զբաղեցրած պաշտոնը (մասնագիտությունը)՝

**Գևորգ Պապոյան - Էկոնոմիկայի նախարար**

(թվարկել՝ պատվիրակություն գործուղելու դեպքում)

4. Գործուղման ժամկետները՝ 2024 թվականի հոկտեմբերի 11-14-ը
5. Գործուղման վայրը՝ Ֆրանսիայի Հանրապետություն (Դիժոն)
6. Գործուղման ծախսերի ֆինանսավորման աղբյուրը՝ Հայաստանի Հանրապետության 2024 թվականի պետական բյուջեով արտասահմանյան պաշտոնական գործուղումների համար նախատեսված միջոցների հաշվին:

1) իրավիրող կողմի միջոցների հաշվին հատուցվող ծախսերը  
 (թվարկել՝ ճանապարհածախս, գիշերավարձ, օրապահիկ և այլն)

**2 օրվա գիշերավարձ**

2) պետական բյուջեի միջոցների հաշվին հատուցվող ծախսերը  
 (ՀՀ կառավարության 2005 թվականի դեկտեմբերի 29-ի N 2335-Ն որոշմանը համապատասխան)  
 (ընդգծել ծախսերի փոխհատուցման տարբերակը)

ա. փաստացի կատարված ծախսերը հիմնավորող փաստաթղթերի հիման վրա՝ դրանցով սահմանված չափով,  
 բայց ոչ ավելի, քան ցանկով նախատեսված չափերը

բ. գործուղման անհատական իրավական ակտով տվյալ գործուղման փաստացի կատարված ծախսերի  
 հատուցման պահանջի համաձայն

Ծախսի տեսակը		Գևորգ Պապոյան	Ընդամենը (դրամ)
Ճանապարհածախս	Ավիաճառայության տեսակը (Էկոնոմ դաս, բիզնես դաս)	Էկոնոմ դաս	
	Ավիատոմսի արժեքը (դրամ)	259,708	259,708
Գիշերավարձ	Վճարը 1 գիշերվա համար (Դիժոն, EUR) 164	164.0	
	Վճարը 1 գիշերվա համար (դրամ)	69,167.0	
	Գիշերների քանակը	1	
	<b>Ընդամենը (դրամ)</b>	<b>69,167</b>	<b>69,167</b>
Օրապահիկ	Վճարը 1 օրվա համար (Դիժոն, EUR)	114	
	Վճարը 1 օրվա համար (դրամ)	48,367	
	Օրերի քանակը	4	
	<b>Ընդամենը (դրամ)</b>	<b>193,467</b>	<b>193,467</b>
Այլ ծախսեր	Հակահամաճարակային նմուշառումների վճար		
	Մուտքի արտոնագրի վճար	-	-
	Այլ ծախսեր (նկարագրել)		
<b>Ընդամենը ծախսեր (դրամ)</b>		<b>522,342</b>	<b>522,342</b>

\*07.10.2024թ. ՀՀ ԿԲ արտարժույթի միջին փոխարժեք՝ 1 EUR

424.27

\*16.10.2024թ. ՀՀ ԿԲ արտարժույթի միջին փոխարժեք՝ 1 EUR

421.75

Գլխավոր քարտուղար  
 /Գլխավոր ֆինանսիստ/



ՀԱՅԿԱԶ ՆԱՍԻԲՅԱՆ